

民國鞏縣志

鞏縣志卷六

邑人 劉蓮青 纂輯

張仲友

邑人 劉鎮華 鑒定

邑人 劉鎮海 參閱

固始 萬白逸 警校

民政志

一 邑之宰與民為最親其秉乎甲令而出治為良為楛則民之好惡從違繫焉已酉志有建置志風俗志物產志建置者則封人設社稷之壇封其四疆以造邦邑之都域風俗者則師氏三德三行之教以教國子弟物產

者則載師任土以物地事授地職又有學校志選舉志則
鄉大夫考德行察道藝三年大比獻書因以興賢興能要
皆錄之於司徒所謂施教灋於邦國都鄙使之各以教其
所治民也是五者最切於民然其成書也去今百有餘年
矣天運恆數十年百年而變況世事之糾紛迫迨乎曰電
曰路固前此之所未有因轉輸之利而實業以興有馳情
域外之觀焉亦非僅究物產者之以四境自封也最大者
則科舉廢而爲學校間塗固異於疇曩然邑之樸厚成風
實歷千百年而未有易者故於己酉志之風俗物產建置
選舉因其迹而續之於學校則劃新舊而二之一以紀往

迹一以標新型而增交通實業二者以志民政

建置

縣治

縣治在隴海鐵路北南距火車站里許西北距舊城里許北臨東站位於岡阜上地名鰲嶺民國十七年徙此東站者在舊縣東門東街之東以舊縣得名也舊縣東瀕洛地窪下洛漲輒灌城重爲隄防積潦不得洩外齧內瀆漫成澤國不得已築防城內以橫梗之而患不可救止舍舊謀新亦應時勢之需要也縣政府暫假新建高等小學校治事位於正街鳩工庀村正事興築文廟

在縣政府東初成大殿監獄在縣政府西

舊城

新治擬建經營規畫甫有其基縣之各公共局所人員
日抱牘赴公府治文書近則仍厥居則舊城暨各機關
及其他一 須詳載已酉志 舊誌鞏縣周圍七里

四十八丈高二丈濠塹深八尺明景泰六年縣丞趙昇
修築成化十一年知縣柯忠重修正德七年流賊攻燬
分巡道翟鎬督修之嘉靖二十二年水復渰頽知縣周
泗增修萬歷十三年分巡道丁惟寧檄加磚石知縣李
再思汪本英後先修完周圍角樓三座窩鋪墩樓三十

座門五座東曰迎恩西曰瞻洛南曰玉川又曰望嵩北
曰納洛其一小東門蓋舊城東門卑下一遇黃河水漲
則浸滄入城四十年知縣程宇鹿擇城垣高處另開一
門又築土堤五百丈以衛城腳樹鞏簡公甸坊一座與
新門對峙城上建磚石高樓一座沿城加修迥異前制
至崇禎十年知縣宋文瑞復增高五尺越癸未流寇攻
陷傾圮者無數清順治六年知縣徐樑修補康熙二十
年知縣蔣徵猷復加磚石增修四十八年六月大雨連
旬山水陡發洛水暴漲城幾傾覆東門逼近洛河每遭
水患知縣多時琦於甕城圈門兩邊砌石制閘水不得

入乾隆九年四月知縣邱軒昂奉文重修城垣以工代賑縣丞陳之煥典史王釋如監生李丕昌劉鴻誠趙桂萼生員姜公溥張鞏劉世馨佾生劉王卿董鈺同督工二十七年四月東城外河水淤墊城水不能宣洩知縣高兆煌於東門迤南北開設涵洞二處藉疏疏水庠生趙德恆等督工

自舊縣門大街直至迎恩門過柳巷至東站爲東街自觀音堂南下出望嵩門外過南關至舊八蜡廟爲南街自南街之中稍折關王廟出通函門外西關至社稷壇爲西街自縣後玄帝廟一帶爲北街其餘雲路街學巷

街獅子街現十八浸於水僅留西南一隅探訪

舊縣署

己酉志曰舊志縣署建置始於西漢見學校志元至正
至明宣德迭遭水患乃移今址嘉靖癸丑六月霪雨連
旬城郭民舍蕩然無存知縣周泗請於葛郡伯重修崇
禎癸未逆闖破城盡遭焚毀順治癸巳知縣陳朱坦重
建大堂後堂各三間東西六房十間縣廨一所三層高
樓五間譙樓儀門聖諭坊架閣庫後譙樓傾圮康熙二
十年秋知縣蔣徵猷重修四十八年大承入城東西六
房並照壁圍牆盡行傾圮知縣多時琦重修乾隆五十

四年譙樓破壞知縣李述武重修

光緒二十七年清帝回鑾知縣史宜詠重修公署作行
宮地基增培四尺煥然一新民國七年洛漲灌城署中
廨宇案卷概歸淹沒知事毛龍章移住南街東周書院
暨考院舊址 採訪

典史署 在舊縣署東久圯後僦民房以居

學署 廨舍久圯借居敬業義塾又改義塾爲公款局
城守營 在舊城南街路東改建爲女學校

巡檢司 在黑石關久廢

陰陽學

醫學 俱明洪武年建久廢

僧會司 在石窟寺久廢

道會司 在盧醫廟久廢

察院行臺 在舊城東大街路南後改建倉廩久廢

布政分司 在舊城東街路北久廢

按察分司 在舊城東街路北久廢

按明洪武十五年置府州縣按察分司以儒士王存
中等五百三十一人爲試僉事人按二縣凡官吏賢
否軍民利病皆得廉問科舉十六年盡罷試僉事二
十二年改置按察分司爲四十一道當是設置分司

試僉事時南署因試僉事旋罷遂以其署改爲按察
司行署備其按臨耳

舊監獄 在舊城南街路西就常平倉改建

考院 在舊城南大街路西清末改爲高等小學校

東周書院 舊在舊城東街南隅道光三年避水患移
置考院之左

社稷壇 在舊城西門外久廢

風雲雷雨山川壇 在舊城南門外久廢

先農壇 在舊城東門外乾隆五十四年知縣李述武
重修久廢

厲壇 在舊城北久廢

文廟 在舊城沒於水已在新治另建

忠義祠 在舊城縣署東民國初淹沒於水傾圮

節孝祠 在舊縣署東與忠義祠鄰民國初淹沒於水

傾圮

關帝廟 在舊城西門內路北

文昌宮 在舊城東門內路南

萬壽宮 在舊城西門內公款局斜對過久廢

城隍廟 在舊城南街文廟東淹沒於水傾圮

新城隍廟 在舊城南關路西係驛站故址現辦師範

學校

旗纛廟 在舊城東門外久廢

八蜡廟 在舊城東門外乾隆二十六年圯於水知縣

高兆煌李述武迭經重修

盧醫廟 在東站西頭

金龍四大王廟 有二一在東站一在神堤

湯王廟 有二一在河南渡舊志載廟北邱山麓係古

夏臺遺跡一在魯莊通志稱爲桑林禱雨處

子華子祠 在縣治東石臼泉明季焚爲焦土康熙初

重修督學張口口榜以束帛流風

杜工部祠 在東站

包公祠 在迴郭鎮

五里局 在舊城北街路東清季縣紳辦公所沒於水

女校舍 在舊城南街路東

高等小學校 在新治民國十二年建由旅陝政軍商

各界集資八千元地丁加籌七千元現借作縣政府

倉廩

舊廩房坐落舊城內東街文昌宮西久淪於水

舊常平倉二十四間順治丙申知縣張好奇建在舊縣

署內譙樓東久廢

新建倉二十六間康熙四十六年知縣王世興建在舊
縣署內譙樓南久廢

餘倉三間雍正六年知縣茹林奉文建在舊縣署內譙
樓南久廢

新常平倉三十間雍正十二年三月知縣季璟奉文建
在舊縣署西久廢

新新建倉四十間雍正十三年知縣季璟奉文建在舊
縣署東久廢

乾隆三年九月署知縣程志智奉文鋪墊新常平倉三
十間新新建倉四十四間共七十四間久廢

驛遞

洛口驛

在舊城內驛馬三十二匹擷遞等夫五十名

裁廢

在城舖

新店舖

七里舖

界石舖

任村舖

洛口舖

金溝舖

城西舖

今仍其名

兵防

演武場

在舊城東門外民快三百五十二名充城守

巡河巡鹽之用墩臺營房二座東十里舖西石河道

乾隆五年知縣張雷光奉文修二十七年東臺毀知

縣高兆煌重修

操場 在舊城東南門外路西

學校新設操場 在舊城南門外路西

郵政

普濟堂 在舊縣署南雍正十二年知縣李璟奉文捐

修草房十間置義地六十畝坐落魯村嶺乾隆二十

六年房屋傾圮三十年知縣李天墀移建舊城南門

外草房十間五十一年知縣陳龍章重建久廢

育嬰堂 在舊城南關雍正十三年知縣季璟奉文修

建瓦屋四間久廢

冬生堂 在東站乾隆八年知縣王甲奉文修建久廢

養濟院 舊在舊城內東南隅明萬歷四十年知縣程
宇鹿置房五間順治丙申知縣張好奇康熙壬戌知
縣蔣徵猷重修乾隆三十年知縣李天塤移建舊城
南闊五十年知縣陳龍章重修久廢

漏澤園 舊在縣西十里順治癸巳知縣陳朱垣於村
鎮大路傍立園數十所掩埋遺骸立石碑封記己亥
驛道程置地一區立義塚在縣五里堡

義塚

一在東站知縣蔣徵猷捐地一畝二分
一在五里保署知縣左繼儒捐地一畝

一在洛口舉人曹鵬翊捐地一畝二分

一在迴郭鎮拔貢趙發慮捐地一畝二分

一在蘇村貢生王修身捐地一畝二分

一在迴郭鎮監生蕭永祚捐地一畝二分

一在羅莊監生李子希捐地一畝二分

一在蘇村監生魏紹祚捐地一畝二分

一在康店生員康曰校捐地一畝

一在孝義生員李如松捐地一畝二分

一在黃冶生員劉雲漢捐地一畝

一在草廟山康如保捐地一畝

一在益家窩蘇更新捐地二畝

以上從邱志
摘錄採訪

遺蹟坊凡三輩伯遺封坊在十里舖三田故里坊紫荆
遺蹟坊並在孝義舊城內坊四勸民坊在舊署東青賢
坊在舊儒學西遵化坊在舊城東街興教坊在舊城南
街科第坊二十五明時建進士題名坊在舊縣治左舉
人題名坊在舊縣署右蔡莊爲蔡齊芝田爲盧亞日狀
元日恩榮者六爲周立爲馬隆爲趙迥爲張璉爲竇祥
皆進士爲趙登舉人縣南魁樓前爲趙應箕曰叢桂爲
康紹先曰凌雲爲趙迎曰起鳳爲崔邁曰觀光爲康偉
日光裕爲宋鑑曰鵬程爲趙浩曰天衢爲竇祥曰鶚薦

爲張銳曰接武爲李唐曰登雲爲鄭繼宗曰登瀛爲費
顯曰昂霄爲周道曰冠倫爲劉遜曰重光爲趙景星曰
文魁

仕宦坊五明時建者爲通政魏敏曰通政爲御史張璉
曰繡衣爲御史馬隆曰豸繡爲馳封趙登第曰恩榮爲
知縣趙景星曰崇祀別有義賑坊爲塢羅周藩引禮官
魏進忠贈文林郎爲蔡莊趙春亭清時建者曰業善好
施清易鎮爲喬先生暨杜孺人七里舖爲白玉順妻牛
氏民國建曰榮褒者二爲迴郭鎮馬砥堂暨李夫人貞
節坊明時建者六爲常自省妻李氏孫繼祿妻杜氏生

員譚恩妻張氏生員劉麟妻韓氏生員喬政妻崔氏生
員蔡得景妻曹氏俱正德間因流賊死節清時二爲白
沙崔鵬翼妻劉氏儒童間珣妻趙氏節孝坊清時建者
三十四舊城內爲張秀古妻李氏王溝爲趙青陽妻劉
氏白沙爲崔傑妻趙氏崔雲翼妻張氏稍柴務爲王鵬
萬妻黃氏益家窩爲陳光宗妻李氏霹靂爲董仁魁妻
楊氏堤東爲曹林渠妻龐氏西作村爲吳溫謙妻席氏
羅莊爲孫清純妻劉氏暨子樹德妻席氏孫坤妻魏氏
迴郭鎮爲李子龍妻段氏李子恭妻王氏馬昇妻李氏
蘇村爲李莊妻孫氏康店爲康榮聲妻石氏曹柏坡爲

曹文德妻劉氏裴家峪爲焦正儒妻魏氏焦灣爲張體
仁妻崔氏石板溝爲白錫壁妻孟氏白錫瑞繼室康氏
洛口爲曹東里妻劉氏灘小關爲王銘妻張氏七里鋪
爲曹承珮妻宋氏倉西爲李士海妻鄭氏南關爲劉紹
舉妻牛氏張生馨妻孟氏鰲嶺爲李宗元妻張氏水峪
溝一門三節爲李維由妻孟氏惟榮妻高氏彬妻李氏
南河渡爲薄克謨繼室劉氏神堤爲張懷妻禹氏孟大
有妻侯其氏柏圪墻爲張其才妻李氏小關鎮爲張書
啟妻王氏雙樓爲張爾敬妻吳氏張爾簡妻章氏石曰
泉爲張爾緒妻程氏民國建者四益家窩爲劉元愷妻

孫氏康店爲康道興妻王氏神堤爲張蔚宗妻馬氏羅
口爲閻成業妻霍氏曰節烈坊清時建者稍柴嶺爲路
世傳妻劉氏康店爲康來遠妻謝氏曰苦節坊寇家灣
爲趙潤芳妻張氏核桃園爲李蘊妻翟氏在民國建者
董陵爲張學泰生母章氏貞烈坊清時建者迴郭鎮爲
趙甲木妻張氏烈婦坊半個店爲丁佚其名妻王氏曰賢
孝坊民國建者黃治爲劉錫有妻李氏別有雪冤死烈
坊明季爲孫得盛妻張氏其在舊城內者道光間有節
孝貞烈總坊姓氏並具節孝祠

諸堤

防水堤在縣治西南羅口村宋建衛陵防水

鞏洛新堤在舊城外北圍五百餘丈明參政楊俊民知縣韋以誠創立知縣程宇鹿重建久廢民國九年重築舊城北圍新堤

神尾堤在縣治北卽山盡處築障河流久廢

神堤堤長六百餘弓因洛泛濫堵防民國七年十月修築

季公堤在迴郭鎮西有石河乾隆二年霍雨爲患水自白雲山來者直入村落受其害者百餘家知縣季景查賑畢率衆築堤民德之勒石於上曰季公堤久廢民國

九年重修新堤

城內堤以舊城內水勢日漲除西南一隅外全淪於水
民國十年借上海工賑協會款築南北堤一道暫事保
護

護城新堤即倉西堤自舊城迎恩門起至倉西村西止
長約五里民國八年修築

蘇村堤地瀕伊洛屢遭水患民國七年興築長七里餘
南河渡堤

七里舖堤在洛河東民國十三年白鶴樓創修

清易鎮堤在鎮北民國十年知事毛龍章倡修立有紀

事碑

羅川渠在喂羊莊同治十一年村人閻文林張丑等開鑿灌田二百餘畝

羅南渠在蔡莊喂羊莊民國元年趙玉田張欽然等倡辦灌田三百餘畝立碑紀事

引羅渠在羅口村光緒八年閻成法李中堂等開鑿灌田三百餘畝

諸鎮

芝田鎮 在縣西南

清易鎮 在縣西

迴郭鎮 在縣西南

黑石渡鎮 在縣西

東站鎮 在縣北卽舊遞所後廢爲鎮

洛口鎮 在縣東

吾縣向以五鎮稱右列係乾隆間縣鎮概況嗣後洛口黑石渡兩處漸次蕭條而米河焦灣代興迨及清末焦灣又委萎不振乃渡洛膺集於孝義民國肇造兵工廠踵續成立孝義遂巍然巨觀矣至清易鎮則歷久無甚盛衰今之五鎮則以東站孝義迴郭芝田米河爲五大鎮

諸集

舊城內 山小關 小里河 蔡莊 益家窩 羅莊

魯莊 左村 涉村 堤東 夾津口 神堤 石關

自治河 訾店 茶店 孝義 焦灣

諸渡

南河渡 在縣北三里

搖灣渡 在縣東二里

溫家渡 在縣東七里

龍尾渡 在縣西五里

石灰務渡 在縣西八里

莊頭渡 在縣西北十二里

焦灣渡 在縣西十四里

康店渡 在縣西十八里

黑石渡 在縣西二十五里

益家窩渡 在縣西三十里

小訾店渡 在縣西南三十五里

張船渡 在縣西南三十七里

蘇村渡 在縣西南五十里
以上渡
洛水

裴峪渡 在縣西北十六里

神堤渡 在縣北十里

趙溝渡 在縣西北三十五里

金响渡 在縣東北二十里

洛口渡 在縣東北二十五里

嬰子渡 在縣東北三十里 以上渡黃河

按邑中諸渡以黑石為官渡舊設水手八名渡船三

隻旋裁去順治十四年知縣張好奇專造渡船利濟

積久弊生行旅病之知縣多時琦奉大吏檄酌定各

項渡資刊榜曉諭旁建茶亭寺僧董其事乾隆五年

張雷光奉臬司牌飭定價榜示如前自光緒末年隴

海鐵路成無復如從前車馬絡繹官渡之名於焉

寂

新政機關

參事會

議事會 均民國元年創設未久罷除

教育局 由勸學所教育會合併改組

財務局 民國元年創設公款局十六年改今名

警察所

保安隊

商務會 均清季創設

技業局

林業局

苗圃事務所 附苗圃在舊城南門外

附桑園四區縣治西一段係官產

車站西一段城守營故地

車站北一段係舊學田

盧醫廟西一段係舊馬道

鞏縣志卷七

邑人 劉蓮青 纂輯

張仲友

邑人 劉鎮華 鑒定

邑人 劉鎮海 參閱

固始 萬自逸 讐校

民政志

風俗

文教

士風樸陋家少藏書鄉村家塾類皆半耕半讀無大志
趣在昔科舉時代士子以青衿爲榮進則登賢書而已

惟因生計艱難咸知讀書可貴貧窶之家亦令子弟入學以故識字者較多

農功

地域狹小除山嶺岡阜外所謂平原地惟沿洛水兩岸一線而已終身勞農者多餘因營他業才縉退而躬耕無論歲時如何豐稔鞏民粒食均須仰給於外至農民自身衣鶉食糲胼胝不遑允屬吾民特色

工藝

居民質樸除居室木器鐵器需用工人外其他甚稀而工人習此數種技藝者較多其他亦甚稀供求相抵出

入相安既無特殊之精製卽無淫巧之意匠故縣中不以工鳴

商業

商人多於農工男子十四五左右畧識字知算卽謀餬口外出並無雄厚資本以樹基礎不過依人作活事等傭工或作小負販貿易遐方翹然傑出之才十不得一故雖懋遷終其身而腰纏以歸者寥若晨星獨陸陳一行近世號爲企業基金較豐入民國來因交通之便高掌遠跖頗爲商界生色

婦職

男耕女織自古爲然近日仍踵舊習三時農功婦人助以操作或主中饋饁南畝暇則以紡織爲生村巷鱗次櫛比秋冬夜永聲音四達俗猶近古西京雜記所謂一月得四十五日者殆其似之奢靡之風染者蓋寡

節序

鄉村終歲勞苦休閒日少且無故不肯美食有節序以調劑之勞者以慰憂者以喜猶修途之有堡卡自然之節奏也試畧舉之如元旦賀年元宵觀燈清明掃墓野哭上巳踏青端陽佩艾食角黍繫綵線六六曬書除蟲七夕乞巧中秋陳時果玩月重陽登高賞菊十月朔送

寒衣奠墓冬至士人解館祭先師十二月臘八雜諸果作
粥二十三祀竈除夕守歲坐通宵是月多嫁娶皆習慣也

婚禮

伊古制定六禮近約爲四省去納吉問名刪繁就簡自
然趨勢惟親迎一節無論貧富一例遵行非是則女家
不悅奩妝豐盈父母常情貧家亦有論財者乃屬例外
至結婚之日外增煩碎儀節多不勝書亦地各不同畧
之廟見雖不如期仍仿古人遺意

喪禮

喪禮古制過嚴後世儀式數變苛繩之是處絕少然猶

遵古之意也喪具豐儉稱家有無士夫守文公家禮節
次祭奠不作佛事俗尙近淳豪富之家翦綵儀仗幻飾
冥器亦所不免三年之喪禫祭釋服實計祇二十七
月俗率以三十六月爲三週視古人則又過之附陋俗
數則

初遭喪延術者定死亡時刻並推算出魂時刻與其方
向名曰殃狀屆時全家外出規避雖停尸未斂悍然不
顧

初遭喪女子不守位哭迅返夫家向舅姑稟命名曰叩
頭不少假借蓋爲著服故不如此虞舅姑異辭也

凡母黨妻黨之戚於其姑姊妹之喪或舅行或中表行
名曰厚待往往藉端滋事責言橫生攻擊兒婦不孝苛
繩衣衾棺槨甚有率多數男婦以及疏逖同姓鴟張肆
威與喪家爲難輕則口角重則鬪訟三五日不克斂者
比比也其始生忤逆子男及習俗既久認爲天職卽素
稱恭順亦或難免儻臨喪不作違言旁觀反竊笑其無
能夫以外家與子婦較親疏顯有差別若再遞及遠族
是直以陌路責骨肉也於理安乎

婦女對於父母之喪痛哭於室宜也往往未及家門中
途長聲號啕自初喪各七或百日以及三週諸凡節次

香鼎元氣一
皆然吾縣山徑崎嶇乘車時少或徒行或乘馬均於痛哭不便顧習俗既成人人視爲當然夫果有哀感情事號泣原不擇地此則生於仿倣也

舊例十歲以下童殤不棺斂不掩埋橫拋原野任飽鷲鳥既違人道復妨衛生於婦女邪說積久人人效尤此亦弊俗之宜革者

結婚爲人生重典死則已矣故事凡男女成童天札者或鰥亡者必擇相當之家棺葬一穴補結昏儀式名曰冥昏亦曰配骨儻女已字人特別守禮者或預殯以待合葬娶之冥昏者多

堪輿

堪輿之學儒先多有信之者持此苛責編氓未免過刻詎鄉俗固陋動輒倩人卜相兆域其受病之源則謂祖宗骸骨寄處子孫之禍福攸關以是之故往往停柩數年或數十年不以入土詢之則曰無葬地也此固民愚要亦先有愚吾民者

女巫

女巫之價值稍有識者俱能揭其底蘊無待綴述第近日巫風特盛聯翩接跡頃背相望甚至一村而有數人頽蒙無識者誤信其堪療疾疴朝夕祈禱巫者輒敢大

張聲威假神靈以斂金錢而病入膏肓不可救藥矣
別有婦人素無巫名偶然歌哭無端村媪認爲有神鬼
附身以火燒鐵嚇之其人口中喃喃作神鬼語人多信
之積久成俗

扶乩

世人假借仙神名目演習扶乩之術據稱能醫疾病知
未來或作詩辭所請之仙神任擇古人中有聲於時者
抑或演義小說中虛構之名而非實有其人均可請到
以應術者之用流俗紛紛相信了不憚煩甚有僞服儒
冠自命不凡而亦昕夕從事者

搖會

此會係流通金錢之別法貧者整用零還富者小往大來既濟窮檐之急兼滋巨室之財無權子母形式有通貨賄實際乃里黨善俗也其式團聚會友數十人一人作會頭定期每月會集輸同數錢各書票爲得錢證數低者先得至人輸一週而竣此事風行甚遠縣中時時有之

拾棉

棉花係本地出產但無地者尙多先輩爲行方便計於摘花將竣時留餘以丐貧戶詩所謂遺秉滯穗寡婦之

利此風猶爲近古乃積久弊生拾花之期漸次提前地主揮之不去又進而喧賓奪主時方燦爛盛開悍夫潑婦竟爾結隊搶拾莫敢誰何漸以成訟事後連村結社名曰看花演戲設筵嚴立規則而仍留餘以沾之惡風少息民國十三年縣長李廷璐慨田賦之繁重恨游手之藏奸出示曉諭禁絕拾花舊習歸還地主全權

祠訓

吾民率聚族而居各立家祠奉祀祖先舉族長治理族衆間有嘯強子弟不率教者則稟告族長萃集族衆召入祠中公布其失或嚴施譙訶或威以夏楚終之以闕

導引誘父兄之氣以平于弟之過或改亦是爲後來者
戒

碑扁

立碑古制也懸扁他處或名牌雖未詳所自始而習俗
已久近世此風甚熾觸目皆是畧記其類除前清進士
舉人及孝子節烈婦女制所特許外凡投徒之師療病
之醫辦公之紳鄉村巨室市井豪商下至鄉愿流氓率
多金碧輝煌以飾其門牆巉岬屹立以表厥閭里藉以
誦衆壯觀其聲望資財特殊者此類修飾亦特多其源
或因祝嘏或因娶婦或因洗兒與夫亡人三週湊砌以

香界記卷一 上正 一
成上馬者皆主動於他人餘則莫究所由來此外獻諛
官長取媚神祇者更比比也

交通

郵政

光緒二十八年東站勦設郵局名曰代辦所平信一件
制錢十文然事係破荒措紳樂用鄉愚則否未幾升爲
一等局民國六年升爲二等局泊兵工廠成立孝義再
設二等郵局並迭次推廣四鄉代辦所計已設者如迴
郭鎮清易鎮黑石關芝田聖水涉村南山口南官莊白
沙康店焦灣石關神堤七聖舖洛口米河小關口子參

舊店凡十九處不出戶庭交通世界矣

按郵政組織縱橫錯綜網維四方全國疆土界作烏絲
蛛網分段傳遞嚴限時刻由都邑鎮埠漸至僻鄉荒陬
其費簡其用鉅此事在今日盡人皆知了不爲奇然迴
思郵局未設之前遞寸緘於鄰封動經年歲寄春衫於
遊子覓徧天涯我輩生新舊過渡中對之生無限快感
今後青年胸次絕無此境界因不避煩碎絮絮如右

車馬

車馬係代步常品古今中外相同吾縣岡陵重複中間
清洛無廣川曠野以供馳騁轍迹素罕惟在昔火車未

通東西孔道輪蹄絡繹編氓之家尙蓄車以備遠行或被官家差遣三十年來用途日隘鑿輪亦日稀馬則伏櫪如故

舟船

輦以河洛交流故船戶特多又以民艱生計故榜人特多舫始不可考有清季年全縣商船約七八百艘帆檣林立往來如織洛水上游極淺逆流僅抵洛陽黃河則上浮陝西下浮濟南時或遠達海口南入江淮顧上游有三門砥柱之阻篙師瞠目束手不能強越一步若由陝東下儘可衝險犯危無或差忒往者鐵道未築運輸

以舟爲中堅光緒丁戊之厄大河南北人自相食而孑遺幸存者惟舟是賴當時粒食幾絕金珠不堪療飢所恃數百尾畫鷁泛濫洄溯舳艫相望充青之粟可果鞏洛之腹其關係爲何如乎至於舟人之于飲饌甚豐安然度荒而金錢所入恆以斗量此皆前事可驗者迨火車暢行航業頓縮若比較運費終以河流爲便近十年來軍事踵接生涯蕭條乃別覓新航路以陝潼爲市場藉以綿續舊業此則數千年舟楫難超之關竟以人力牽換耳

鐵道

汴洛鐵道橫貫縣中東由四九₄₉號入境西至七六₇₆號出境羣山蠶叢衆流成壑鑿堅填深施功爲難計造鐵橋五穴洞十一清光緒三十四年工竣車通初設車站二曰鞏縣曰黑石關迨兵工廠成立增設孝義車站電報局

民國四年設局於孝義兵工廠側路線附著鐵道與各車站電話公用查電報創立伊始在鐵道未通以前植桿架線率傍官大路爲準由縣東界明月坡入境至縣西界黑石關出境火車通後界移位置如今狀

電話 無線電話

民國十四年兵興伊始干戈騷人畜糧秣徵發日棘因呼喚里長之便爰擬設電話初立總局於縣署外通十區各公所及兵工廠近年逐漸推廣已至數十處矣

長途電話

民國十三年吳佩孚駐洛陽設長途電話於東站除鞏洛陽相通外餘不詳後數年改爲商辦東達開鄭西達陝洛南達許昌北達新鄉

實業

蠶桑

吾鄉蠶業今不如古憶少時婦女視養蠶爲天職每當
春仲少婦季女跡徧郊原詩所謂執懿筐遵微行求柔
桑者依然幽風樸俗自清季革新蠶桑舊事遠祖歐西
選俊秀以實習設專校以傳播卒之提倡愈殷事業愈
寂此其中有故焉侈談學術而桑不加多名習專門而
藝不加精身肄其業而心賤其技綜此數端而蠶事不
競矣新闢桑園五七處因飼蠶者稀恆棄而不取大有
伐材取薪之勢卽當年之熱心此技者亦復風流雲散
視爲明日黃花今試起問養蠶之家與三十年前孰多
可曉然於其故焉

煤炭

縣中產煤地頗多約分爲兩大部曰南山曰東山南山如涉村曹河聖水應山川等處東山如黑龍潭樓子溝老君廟等處開採自何時茫無可考近世業此者衆但用土法無力購置機器山地磽确幾等不毛有此利源庶瘠黑者有所効力亦山居生活之一助也

產煤村落畧如前述至藉此營商者分言之約有數種一礦山煤客設場於礦區之旁與審主同力合作及出煤得享優先權廉價收買習以爲常二本縣煤廠復分爲二一設置適中村鎮買自礦山轉售四方居民一設

置沿河或火車站以供舟車之運遠售外埠三外埠煤廠係零星銷售與其他商店相同昔年僅汴洛兩地自火車交通後京漢隴海旁午四達東抵山東南至湖北北達直隸第就開封一埠論清季煤業近百廛而非輦人者僅三數家今則南關煤廠林立城內煤塵較曩倍蓰他埠之增廣率類是事業雖小輦民之需其潤者不其多歟

鐵礦

產於縣東南老廟山孤堆坡等處每當秋冬之暇土人開採鼓鑄犁舌犁面以供農夫之需範圍極小

土粉

產堤東附近南山間供洗衣之用用途本狹業此者亦罕

木炭

與登封接界處瓦功川一帶昔年有業此者採取山木雜燒爲炭邇來居民稠密山無餘材此業幾杳

石灰

邑中山泉入洛之水凡四皆捧石奔流號曰石河所經村落居民業燒灰者頗衆如石子河黃治相廟芝田塢羅等處所在皆有而石灰廠石灰務則又因業名村望

而知名於世意自隴海火車通後銷場日廣亦吾邑謀生
之一助也業與

石工

鞏之南部多石山崔巍穹窿凝望彌目取不盡用不竭
猶之江河之水藪澤之木因交通不便匠者過而不顧
計經石工採取者約有數處若老犍坡紅石青龍山青
石黑石關黑石是也黑石質疎而脆僅足供河堤之用
紅石則堅密異常且有層有稜建築者樂取焉惟青石
細膩滑潤可製種種石器而碑板之用途又廣更有礪
石俗名磨石出嶺賀溝邢家村等處爲農工各界所需

每當農工餘暇采伐者踵趾相屬運輸者絡繹相望更用舟楫載達遠方一方土人藉以仰事俯畜物無良楛利用者貴石雖賤物可與山玉海珠並駕矣

柿餅柿霜

製柿爲餅餅可生霜複製霜爲餅名曰霜餅一物而具兩用縣中產柿頗多尤以東南爲最而製霜餅工匠則出自迴郭鎮羅莊等處前清霜餅爲河南貢品由祥符縣籌辦每年招致鞏匠製造

織荊

器用逐漸增繁竹可作筐篚有似筐篚而不用竹者葦

可造席簿有似席簿而不用葦者若畚若蕘若箕若筭若篋若簞甚至大如倉困山中皆以荆爲之質樸而價廉農家利焉採煤者需用尤多產自南山坡陀居民率習其技

瓷器

縣治南舊有黃冶河白冶河兩村相傳昔年燒瓷於此村以業而得名及詢其所自昉或言唐或言宋莫衷一是前清季年高唱實業救國鄉人士劉欣恂尋訪遺跡於自治河枹設裕中瓷業公司拊搗數年頗著成效民國初巴拿馬賽會曾得二等獎狀惜資本支絀不敷運

用漸致停閣然井已及泉山不虧簣是在後起者勇往
追隨利用厚生兩得之矣

瓦器

西南鄉清易鎮羅莊等處夙造瓦器盆盎甌甕之屬價
廉用宏四方利賴嗣復長駕遠馭各率匠徒分投陝西
甘肅各州縣遠抵蘭州以西設窰制器獲利頗巨每年
春往冬歸習以爲常此雖粗工其經營勦造之精神未
得易視

漁戶

河鯉自古稱美魴鯽次之吾縣係洛水入河之處洛水

之魚率來自黃流猶然河產也縣中漁戶頗繁傍洛居者十之七傍河居者十之三終年操竿綸生涯以供一方鮮食時或販鬻車站遠客舊城水勢汪洋產魚極夥城廂居民一部亦常藉以謀生

電廠

民國十年縣紳劉統正勗設電廠於縣南劉溝招生徒若干人製手攜電燈以供采煤坑夫之需查縣中煤鑛含有昭氣遇火卽然在昔工人常有焚身之災若舍燈摸索不便尤甚前清季年此項電燈卽由外洋輸入但價值翔貴非鑛坑所任自電廠設後羣口稱便爲采鑛

須之品矣

物產

穀屬

梁 黍 稷 大麥 小麥 蕎麥 芝麻 菜豆

扁豆 豇豆 黑豆 白豆 青豆 黃豆 豌豆

小豆 舊志 稻 秫 玉蜀黍 紅薯 新增

古稱六穀自外品輸入種類漸繁飲食所需甚利賴焉
如玉蜀黍現為民食要品紅薯本非穀類其佐食與穀
同功此皆曩昔所無芝麻用途頗廣吾鄉地狹種植者
寡稻宜水出縣中惟稍柴村藉明谿泉灌溉若干畝餘

則蓼蓼

泉屬

鞣麻 火麻 木棉

古稱桑麻為生人衣被要品自有棉而前者退避三舍讓後來居上矣時勢變遷物產之隆替隨之考古者所宜注目也邇嶺係植棉佳壤出產饒裕作物中首屈一指麻則別有用途農業工作相需甚殷所謂並行不悖耳

蔬屬

蔥 芹 韭 蒜 芥 藜 椒 茄 莧 蕪菁 瓠

地軟 王瓜 葫蘆 芫菱 萵苣 莖苳 松 山

藥 香椿 舊志 蘿蔔 銀條 菠菜 豆莢 眉豆 薯

臺 茭白 菜瓜 南瓜 冬瓜 金瓜 絲瓜 蜀

藕 黃花菜 薺 山韭 新

增

蔬無特殊之品皆他處所習見惟城內茭白肥脆異常
香椿本係木屬因葉供饗爰用列蔬科

木屬

柏 槐 榆 柳 椿 樗 樞 桑 桐 楸 梓

白楊 梧桐 棟 構 阜角 黃棟 毛查 赤粟

合歡木 木棟 白檀木 白腊木 黃綠柴 六道

木新
增

縣中楸多而梓少自苗圃設後移蒔紛紛小葉楊亦然
椿樗係屬兩種形狀相類人每混而一之構楮亦然東
南近山一帶樞栗黃棟一望滿目此則山中特產居平
原者恆不經見也

果屬

柿 棗 桃 李 杏 石榴 栗 梨 杜梨 柰

楊梅 核桃舊志 葡萄 無花果 佛手 木瓜 西瓜

甜瓜新
增

桃李杏梨為平原之果棗栗核桃為山中之果柿則依

崖傍壑觸目皆是佛手柑係和義溝各村特產皆植頗
難非專門者不能工梨之佳者以白沙康店爲最名馳
遐邇外此皆家庭玩賞之具不足齒數

花屬

蕙 蓮 菊 向日葵 牡丹 芍藥 紫荊 鳳仙

夾竹桃 木槿舊志梅 雞冠花 南天竹 夜合花

桂 板竹 刺梅 丁香 玉簪 迎春 玫瑰

吾鄉久無達官貴人特闢苑圃者少不過人家客庭之
前圍籬之側畧植數事聊作點綴邇年海外輸入之品
頗多尙無固定名稱

草屬

蘆 芊 蒲 荻 芡 蓬 菜 慈姑 瓦松 荇

藻 蘋 蓼 浮萍 仙人掌 菅茅新

增

壤地扁小居民艱於謀食岡阜坡陀皆墾而蕪穀草之
被征誅者殆盡地非不毛山皆成童今之所存餘水草
數事外殊難多觀

藥屬

桔梗 木通 蒼朮 防風 半夏 地黃 薄荷

茴香 瓜蒌 棗仁 芍藥 丹參 射干 蟬蛻

五加皮 天仙子 何首烏舊志 金銀花 天花粉 白

芨 車前子 艾 遠志 蒲公英 王不留 紫蘇

桑螵蛸 馬兜鈴 芫花 扁畜 木賊 蒼耳子

淫羊藿 牽牛 地骨皮 斑毛 土鼈 稍瓜 柴

胡 葶藶 茜草 葛根

新
增

生產中惟藥為盛采山之夫非諳練已久不能辨其種類若防風若遠志若棗仁銀花等數種尤屬生產名地茲特擇要選錄以示梗概徧數之累百不能盡

禽屬

雞 鵝 烏鴉 鴨 鶉鴿 斑鳩 鶴鶉 鳧 雀

舊 山雞 紫燕 鷓鴣 鴟鴞 布穀 啄木 黃鶯

鷹 杜宇 鸛 鵬新

增

村落少池塘養鵝鴨者特鮮雞則家家有之饒有古風
至野鳥則因氣候關係沿河之縣皆同雁屬來賓故未

列入

獸屬

馬 騾 牛 驢 豬 羊 犬 貓 兔舊志 狐 松

鼠 狼 獾 狸 黃鼠狼新

增

舊志有虎豹各種絕跡久矣人類之剷除獸類公例顯
然今之野獸僅狐狸松鼠等狼亦不多覩况其他乎

鱗介屬

泥鱖 鯉 鯽 魴魚 白魚 鱖 鼈 螃 蝦
 蛤 蝸牛 螺 蚌新
 鱗介之屬北不如南盡人而知蝦蟹兩種均非常用蛤
 蚶雖有種類極少鼈更罕見惟魚類尙繁苦不知名今
 之所膾炙者祇有河鯉耳

蟲屬

蠶 蜂 蟬 蜻 蜓 蜘蛛 螢 蟋蟀 蛇 蠍
 蜥 蜴 螭 蛄 蟬 螞 蟻 蝮 蝶 蚯 蚓 鼃 蝦
 蠶 蝠 蝠 蝨 斯 蝨 蝨 蝨 蝨 蝨 蝨 蝨 蝨
 蟻 虎 虬 蟬 馬 蚊 叩 頭 蟲 臭 蟲 倒 退

善果元卷十一
目正
三
蠶增新

蠶能衣被生民當古貝未輸入前吾人賴以衛生者至
爲重要蜂雖爲利較小人類亦受其賜其他益蟲害蟲
繽紛滿目或供詩畫之料或備醫藥之需且係天地間
自然點綴似不得因愛惡而盡輟之

